

Allanngortitsinissamik siunnersuut

uunga

Uunga siunnersuut: Inatsisartut Naalakkersuisullu pillugit Inatsisartut inatsisaat

Pingajussaanneerinninnermut Naalakkersuisunit saqqummiunneqartoq.

§ 25-mut

1. § 25 imatut oqaasertalerneqassaaq:

“**§ 25.** Inatsisartut siulittaasuat, Naalakkersuisut siulittaasuat Naalakkersuisuniluunniit ilaasortaq ivertinneqarnermi nalaani allanik atuuffeqartoq inuussutissarsiuteqartorluunniit taakkuningga tunuassaaq.

Imm. 2. Inatsisartut siulittaasuata, Naalakkersuisut siulittaasuata Naalakkersuisuniluunniit ilaasortap atuuffiit inuussutissarsiutilluunniit taakku ingerlatiinnarumallugit kissaatigipagu Qinersinerup Misilinneqarnissaanut Ataatsimiititaliaq tamanna pillugu ernerluni nalunaarfigissavaa. Nalunaarutip tiguneraniit sapaatip akunneri pingasut qaangiutinnginnerini pineqartup atuuffimminik inuussutissarsiumminilluunniit taamaattunik ingerlatsiinnarnissaa ataatsimiititaliap itigartitsissutigisinnaavaa.

Imm. 3. Inatsisartut siulittaasuata imm. 2-mi piffissaliussap naanerata kingorna atuuffiit inuussutissarsiutilluunniit sorliit siulittaasup ingerlatiinnarsinnaaneraai nalunaarutigissavai. Inatsisartut siulittaasuata atuuffiit inuussutissarsiutilluunniit sorliit Naalakkersuisunut siulittaasup Naalakkersuisunullu ilaasortap ilaasortat sorlernik ingerlatsiinnarsinnaandersut Inatsisartunut nalunaarutigissavaa.

Imm. 4. Inatsisartut siulittaasuat, Naalakkersuisut siulittaasuat Naalakkersuisunilu ilaasortat atuuffinnik inuussutissarsiuutinilluunniit pineqartunik ingerlatsinermik saniatigut atuuffinnik inuussutissarsiutinilluunniit nutaanik Qinersinerup Misilinneqarnissaanut Ataatsimiititaliaq akuersereersimatinnagu tiguseqqusaanngillat.”

Siunnersummut oqaaseqaatit

Oqaaseqaatit nalinginnaasut

Siunnersuutip aappassaanneerneqarnissaanut Inatsisiniq Atortitsinermut Ataatsimiititaliap isumaliutissiissuta tunngavigalugu pisariaqartineqalersimavoq atuuffinnik allanik atuuffeqarnissaq pillugu aalajangersakkap erseqqinnerusunngortinnejarnissaa. Ataatsimiititaliap suliarinninnerani nalornissutigineqalersimavoq oqaatsimut “atuuffimmut” aammattaaq “inuussutissarsiutit” ilaandersut. Taamaalilluni allanngortitsinissamik siunnersuutikkut erseqqissarneqarpoq aalajangersakkamut atuuffik inuussutissarsiullu ilaammata.

Aalajangersakkanut ataasiakkaanut oqaaseqaatit*Nr. 1-imut*

Allanngortitsinissamik siunnersuutikkut erseqqissarneqarpoq Inatsisartut siulittaasuat, Naalakkersuisut siulittaasuat imaluunniit Naalakkersuisunut ilaasortaq pisortatigoortumik suliaminut peqatigitillugu allanik atuuffeqaraniluunniit inuussutissarsiuteqassanngitsoq, Qinersinerup Misilinneqarnissaanut Ataatsiminititaliaq akuersissuteqarsimamanngippat.